

Evening Dogri News Bulletin,

24- Jan.- 2026 18:15 Hrs

आकाशवाणी जम्मू

Headlines

- प्रधानमंत्री नरेन्द्र मोदी होरें अज्ज 18में रोजगार मेले च 61 ज्हार शा मते नमें भर्ती कीते गेदे नौजवानें गी नियुक्ति पत्र सौंपे।
- उपराज्यपाल मनोज सिन्हा होरें अज्ज राष्ट्रीय बालिका दिवस दे मौके पर शुभकामनां दितियां न।
- जम्मू च एम.ए. स्टेडियम च आयोजित होने आले 26 जनवरी समारोह दे सिलसिले च अज्ज फुल ड्रेस रिहर्सल कीती गई।
- दक्ष किसान प्लेटफार्म करसानें लेई स्मार्टफोन गी क्लासरुम च तब्दील करने दा कम्म करा रदा ऐ-3 लक्ख शा मते पंजीकरण ते 4 लक्ख शा मते नामांकन जमीनी सतह पर इस मंच दे महत्वपूर्ण असर गी दर्शादे न।
- ते कठुआ दे बिलावार च जैश-ए-मोहम्मद दे इक आतंकवादी गी मारी मकाने दे बाद सुरक्षाबलें हून सुरैडा धर्मकोट इलाके च बड्डे पैमाने पर तपाशी अभियान रम्भेया ऐ।

<><><><><><>

PM Rozgar Mela (Byte)

प्रधानमंत्री नरेन्द्र मोदी होरें आखेया ऐ जे सरकार नौजवानें लेई मुख ते विदेशें च रोजगार दे नमें मौकें पैदा करने दे प्रयास करा रदी ऐ। उनें आखेया जे भारत केंई होरनें मुखें कन्नै कारोबारी समझौते करा रदा ऐ- जेदे कन्नै मुख दे महारत-याफता नौजवानें लेई नमें मौकें पैदा होगन। प्रधानमंत्री होरें एह गल्ल नमीं दिल्ली च 18में राष्ट्रीय रोजगार मेले गी वर्चुएल ढंगे कन्नै सम्बोधित करदे होई आकखी। इस समारोह दौरान बक्ख-बक्ख सरकारी

मैहकमें ते संगठनें च नमें भर्थीं होए दे 61 ज्हार नौजवानें गी नियुक्ति-पत्र बंडे गो। इस मौके पर प्रधानमंत्री नरेन्द्र मोदी होरें आखेया

<><><><><><>

Jammu Rozgar Mela

तोंआई केन्द्री मंत्री चिराग पासवान होरें जम्मू च रोजगार मेले च शिरकत कीती ते चुने गेदे मेदवारें गी नियुक्ति-पत्र बंडे। इस मौके पर चिराग पासवान होरें आखेया जे सरकार हरेक हत्थ च रोजगार देनां चाहंदी ऐ। उनें जानकारी दिती जे रोजगार मेले मुख्य भरै दी 45 थाहरें पर आयोजित कीते गेदे हे- जेदे दौरान नियुक्ति-पत्र बंडे गो। उनें आखेया जे सुरक्षाबलें च सारे शा बद्द नियुक्ति-पत्र बंडे गो

<><><><><><>

Girl Child Day (2 Byte)

लैफ्टिनेंट गवर्नर मनोज सिन्हा होरें जम्मू-कश्मीर दे लोकें गी “राश्ट्री बालिका दिवस” दे मौके पर शुभकामनां दितियां ना। इक सोशल मीडिया पोस्ट उप्पर श्री सिन्हा होरें आखेया जे “राश्ट्री बालिका दिवस” दे मौके पर अस अपनी धीयें दी समर्थ ते लगन गी मनाने आं। उनें आखेया जे बेटियां समाजी प्रगति दी मजबूत प्रतिनिधि दे तौरा पर कम्म करदियां न ते असेंगी अपनी बेटियें दे भविक्ख ते अपने दी हिफाजत लेई प्रतिबद्ध होना लोडचदा। तोंआई समाज कल्याण विभाग रियासी नै जिला प्रशासन कन्नै रलियै “राश्ट्री बालिका दिवस” मनाया। समारोह दौरान शिक्षा क्षेत्र च शानदार प्रदर्शन करियै पोजिशनां हासल करने आहली छात्राएं गी सम्मानित कीता गया ते उनेंगी प्रेरित करने लेई लैपटॉप दिते गो। पत्रकारें कन्नै गल्लबात करदे होई जिला समाज कल्याण अधिकारी सचिन शर्मा होरें आखेया

जदकि इस मौके पर इक छात्रा नै आखेया

<><><><><><>

Dress Rehearsal (Dispatch)

जम्मू दे एम.ए स्टेडियम च अज्ज गणतंत्र दिवस लेई फुल ड्रेस रिहर्सल गी कडे सुरक्षा बंदोबस्तें च पूरे जोशो-खरोश कन्नै मनाया गया। संभागीय आयुक्त रमेश कुमार होरें रिहर्सल दौरान सलामी लैती। रिहर्सल दौरान संस्कृति विरासत- विकास परियोजनां ते समाजिक संदेश दिंदे होई केई झांकियां पेश कीतियां गेइयां। गणतंत्र दिवस दे मुख्क समारोह च लैफ्टिनेंट गवर्नर होर मुख्क परौहने होगन ते राश्ट्री झंडा चाढगन। होर जानकारी दिंदे होई साहडे जिला संवाददाता

<><><><><><>

Daksh Kisan

किसान सम्पर्क अभियान दे तैहत कीते गेदे इक सर्वे च एह जानकारी सामने आई ऐ जे 2023 च जम्मू-कश्मीर दे करसानें आसेया स्मार्टफोन दा इस्तेमाल 70 फीसदी थमां मता होई गया ऐ। इसी दिक्खदे होई गै जम्मू-कश्मीर प्रशासन नै इक फैसला लैता जे करसान समुदाय लेई स्मार्टफोन छडा गल्लबात आला इक उपकरण गै बनियै नैई रेही जा- सगुआं एहदा इस्तेमाल सिखलाई दे इक बेहतरीन उपकरण दे तौरा पर कीता जा। इसै सिलसिले च “दक्ष किसान” प्लेटफार्म- राई-बाई ते सरबंधत क्षेत्रें च तकरीबन इक सौ 71 सरंचित पाठ्यक्रम उपलब्ध करोआंदा ऐ। अधिकारिक आंकडे शा पता लगदा ऐ जे 3 लक्ख 47 ज्हार कोला मते करसानें इस मंच पर पंजीकरण करोआई लैते दा ऐ ते 4 लक्ख 15 ज्हार करसानें पाठ्यक्रमें च दाखला लेया ऐ।

<><><><><><>

Search Operation Billawar

कठुआ च बिलावर तहसील दे पड़ेतर इलाके च जैश-ए-मोहम्मद गुट दे इक आतंकवादी गी मारी मकाने दे बाद-सुरक्षाबलें हून बिलावर कन्नै लगदे सुरैडा धर्मकोट इलाके च तपाशी अभियान शुरु करी दिता ऐ। मकामी लोकें आसेया इक हथियारबंद संदिग्ध व्यक्ति दे दिक्खे जाने दी टकोहदी सूह थोने मगरा पूरे इलाके दी घेराबंदी करी लैती गेई ऐ ते तपाई जोरे-शोरें कन्नै जारी ऐ। इस बारे होर जानकारी दिंदे होई जम्मू-साम्बा-कठुआ रेंज दे DIG शिव कुमार शर्मा होरें गलाया



Prog. Announcement

राश्ट्रीय मतदाता दिवस दे मौके पर आकाशवाणी जम्मू दा क्षेत्रीय समाचार एकांश कल्ल बडुलै 7 बजियै 10एं मिन्टे पर इक विशेष कार्यक्रम प्रस्तुत करने जा रदा ऐ। 20 मिन्टे दी अवधि आले इस कार्यक्रम दा विशे होग- “मेरा भारत –मेरा वोट”। इस खास गल्लबात च साहडियां परौहनियां होगंन- जम्मू-कश्मीर चुनां विभाग दियां वशेष सचिव डाक्टर Nirupa Rai होर जेहडे इस कार्यक्रम च अपने माहिराना वचार सांझे करगंन। इस कार्यक्रम दी मेजबानी वरिष्ठ समाचार वाचक जगमोहन शर्मा हुंदे आसेया कीती जाहगा। एह कार्यक्रम कल बडुलै 7 बजियै 10एं मिन्टे पर साहडे इसै चैनल मीडियम वेव 303 मीटर यानि 990 किलोहार्टज ते एफ.एम. 100 इशारिया 3 मैगाहार्टज पर प्रसारित कीता जाना ऐ।



Vende Matram Reasi (Song)

सहाडे राश्ट्रीय गीत “वंदे मातरम” दे डेढ सौ बरे पूरे होने दे सिलसिले च आयोजित कार्यक्रमें दे दुए गेड तैहत रियासी जिला प्रशासन नै अज्ज जनरल जोरावर सिंह स्पोर्ट्स स्टेडियम थमां लेइयै भीमगढ किले तगर इक बडुी रैली दा सरिस्ता कीता। इस रैली गी रियासी दे ए.डी.सी. राकेश कुमार होरें झंडी दस्सियै रवाना कीता। सैकडा बदे विद्यार्थी- अध्यापक ते अधिकारी हत्थे च तरंगा फडे दे इस रैली च शामिल होए ते मां भारती दे नारे लांदे होई अगगे बधे। एह नजारा उसलै दिक्खने आहला हा- जिस्सलै रियासी जिले दियां सिडकां तरंगें दे त्रंऊ रंगें कन्नै खिडी उठी दियां हियां ते देश-भक्ति- मां भारती लेई सम्मान ते “वंदे मातरम” दे महत्व गी उजागर करने लेई नारे लाए गे



Rain- Farmers (Byte)

हाल च होई दी बरखें कन्नै करसानें गी बड़ी मती राहत थहोई ऐ कीजे इन्नै लम्मं चिरे थमां पवा रदे सुक्के कारण फसलें गी पुज्जने आले नुक्सान बारे उंदी चेंता हूंन घटी गेई ऐ। बरखें कारण मिट्टी दी नमीं च सुधार होआ ऐ जेहदे कन्नै फसलें दी पैदावार आस्तै मुआफक परिस्थितियां पैदा होई गेइयां न। करसानें दा आक्खना ऐ जे समे-सिर होई दी बरखा कन्नै सिंचाई दी लागत घट्ट होग ते पूरी-पराती कृषि उत्पादकता च बाद्दा होग। इस बारे होर जानकारी दिंदे होई रियासी दे कृषि विकास केन्द्र प्रमुख डाक्टर बनारसी लाल होरें गलाया

<><><><><><>